

(4.) *Nga Tikanga o te Whaakuru.*

Ki te uru te tangata ka mau tonu ia hei hoia a mutu noa te whawhai a tae noa ki te wa e hoki mai ai ki Niu Tireni tiaatingia ai.

(5.) *Te Oati ki te Kingi.*

Ko ia hoia me oati i te Oati Piri Pono ki te Kingi, a me haina rawa i te pukapuka pera kua oti te whakarite.

(6.) *Etahi Tikanga.*

Ko te pakeke o te tangata hei te rua tekau tau tae atu ki te wha tekau tau.

Ko te teitei o te tangata kua e poto iho i te 5 putu 4 inihi. Ko te taumaha kua e nuku atu i te tekau ma toru toone. Me tangata totika mo te whawhai.

(7.) *Tirohanga e te Takuta.*

Ko te titiro a te takuta he kowhiti i nga tangata maia, tangata ora, e rite ana mo te whawhai, ara i nga mea kaore he mate o te tinana, o nga karu, o nga taringa; kaore he whaturama, kaore he hukiki, a e ora ana nga niho hei ngau-ngau i ana kai.

(8.) *Nga Pu ma nga Kakahu.*

Ma te Kawanatanga o Niu Tireni e whakarite, kaore he utu

(9.) *Ko te Utu mo te Hoia.*

Ko te utu mo nga hoia e uru ana ki te *Expeditionary Force* i te marama tuatahi i te puni (*camp*) ko te utu ano e utua nei ki nga hoia o te *Territorial Force*, ara kia 4s. i te ra mo te paraiwete. Ko tenei moni ka whakaputaina ki ia hoia i ia tekau ra i ia tekau ma rima ra ranei.

Ka pau te marama tuatahi ka whakanukuhia ake te moni kia rite ki te moni e utua ana ki nga hoia o te *Expeditionary Force*, ara kia 5s. i te ra mo te paraiwete. Ka tangohia i roto i tenei moni nga moni e whakaritea e te hoia kia utua ki tetahi atu tangata.

Ina eke ki runga ki te kaupuke hari i nga hoia ki te whawhai, e 2s. tonu te moni mo te ra e whakaputaina, ko te toenga, ara te 3s. i te ra, mehemea kaore ano i whakaritea e te hoia kia utua ki tetahi atu, ka puritia taihoa e whakaputa ki taua hoia, ara kia tiaatingia ra ano ia, kia hoki mai ra ano ranei ki Niu Tireni; ki te mate te hoia ka whakaputaina taua moni ki tona uri tata i runga i ta te ture.

(10.) *Kereeme a nga Whanaunga tata mo tetahi Oranga.*

Ina tae ia hoia ki te puni (*camp*) me haina ia i tetahi pukapuka whakanana i te Tari mo te Whawhai ki te tango i tetahi taha o tana moni kua whakatoca ra, i te hawhe ranei o tana moni, hei oranga, ina tonoa, mo ona whanaunga tata e noho kore oranga ana. "Whamere" tona tikanga ko te wahine, ko nga matua, ko nga tamariki ranei a taua hoia, ko tetahi tangata ranei i whakataua ki a ia, a muri atu ranei whakataua ai ki a ia, tetahi ota-oranga i raro i te Ture mo nga Tangata Rawakore, 1910.

KAUTE O RAKARANA.

WHAKAATURANGA E MEATIA ANA KIA TANGOHIA TETAHI WHENUA HEI RORI MA RUNGA I TETAHI PIHI WHENUA E HUAINA ANA HE WHENUA NO TE Hahi Mihinare, MA RUNGA HOKI I TETAHI WAHI O OPUATIA 11c 4 ME OPUATIA 11c 2, TAKIWA RURI O ONEWHERO.

HE whakaaturanga tenei e meatia ana e te Kaute Kaunihera o Rakarana, i raro i nga tikanga o te Ture mo nga Mahi mo te Katoa, 1908, kia mahia tetahi mahi hei paanga mo te katoa, ara, kia mahia he rori ma runga i tetahi pihi whenua e huaina ana he whenua no te Hahi Mihinare, ma runga hoki i Opuatia 11c 4 me 11c 2, Takiwa Ruri o Onewhero; a, i runga i nga tikanga o taua mahi mo te katoa, e meatia ana kia tangohia nga whenua e mau nei i te Kupu Apiti ki tenei. A he whakaaturanga ano hoki tenei ko te mapi o aua rori me nga whenua e meatia ana kia tangohia, kua whakatakotia ki te tari o te Kaute Kaunihera o Rakarana, kei Ngaruawahia, hei tirohanga ma te katoa. A he whakaaturanga ano hoki tenei ko nga tangata katoa e paangia ana e te mahinga o taua mahi mo te katoa me te tangohanga o aua whenua, mehemea he take tika a ratou hei whakaha i te mahinga o taua mahi mo te katoa i te tangohanga ranei o aua whenua, me tuku-a-tuhituhi mai aua whakaha i roto i nga ra e wha tekau timata atu i te ra i perhitia tuatahitia ai tenei panui, me tuku mai ki te Kaute Kaunihera o Rakarana, Ngaruawahia.

Kupu Apiti.

Nga Eka o nga Pihi Whenua e Tangohia ana.	Te Ingoa o te Whenua.	Poraka.	Takiwa Ruri.	Kara i ruha i te Mapi.
E. R. P. 0 0 9-9 0 0 5-7	Whenua no te Hahi Mihinare, Parihi o Onewhero	VI	Onewhero	Puruu.
0 0 34 3 3 13-2	Opuatia 11c Nama 4 Opuatia 11c Nama 2 (17556)	VI VI	Onewhero Onewhero	Kakariki. Whero.

Kei roto i te Takiwa Whenua o Akarana. I tuhia ki Ngaruawahia i tenei te 18 o nga ra o Akuhata, kotahi mano e iwa rau tekau ma rima.

I whakapiria te hiiri o te Tiamana me nga Mema o te Kaunihera, me te iwi o te Kaute o Rakarana ki tenei panuitanga, i runga i te ota a te Kaute Kaunihera o Rakarana, i te aroaro o—

CAMPBELL JOHNSTONE,

Tiamana o te Kaute Kaunihera o Rakarana.

WALTER SEAVILL, } Mema.
A. MCKINNON, }

H. MARSLAND, Karaka.

65)